

ئىغمىسن نا دا ئىسفراحن

آيتما د ئىستما ئىمزيغن ! نا غرنخ ئىسغادن د سلام ن-رَبِّي غيفون، لا ئىسون ن-ترحاب .
أل ن-ت-ترئ سىدي رَبِّي اُگيدنخ تىزىم ءىشت / يوت ن-لوقت ئغودان .
تدام اتسغدم گ لكسيطا ياد ييتس ئواليون نامي وُر دجين تسلام دا سوالن خف تمونت
نا ئلان ءينگر سىدي رَبِّي د بنادم نا ئخلق . هان يوت تلشتابت لاتمون د لكسيطا ياد
ديكس شان تصور خف وينا مي غا تسغدم . ءونا ئرا مش ورتوجيد غورون تلشتاب
مشان يوف مش غورون تلا ئدخ تدا اُ كون تسعون حما اُتفروم وُگار اُوال
نامي تسلام / تسغدم .

تغيم اُتسبديم لكسيطا گ لوقت نا ترام حما اُتخمم گ وينا مي تسغدم .
ئىسغدنخ ئعزىن ! تزوري ءييف مك تسغدم ئ لكسيطا س ماس تلا
فير ن-ءوينا اُر تسغدم ئ لكسيطا لقرط س لقرط اُر تسبدا دم حما اُتخمم گ ووال نا-مي تسغدم ،
تترم ئ سىدي رَبِّي اُكون ئعاون اُتفروم اُياد كول اُداي تسللىم ئ لموسيقى اُد تموتم
غر تصور تياض ئدخ لانتدو زگ تصويرت غر تصويرت .




وسا اندو غر تصويرت تمزوروت (1)

- تزوري ئلا سىدي رَبِّي غاس نئا، ئسول شا ضنين وُر ئللى .
- داي ئخلق رَبِّي دونيت س تنباط نس . ئگ ديكس اُسيد .
- ئگا تفوكت حما اُت سيدا س واس، ئگ اُيورحما اد ئسيدا س بيض (گيىض) .
- سىدي رَبِّي ئمقور اُل ئتنباض خف ماگ لان كول !



دغي أندو غر تصويرت تس سنات (2)

أوال نامي دا تسغامدم / تسلام دغي ئداد زگ لشتاب ن-سيدي ربي .
 نا ئگان أوال نس داخ ئسوال غيفس ، د خف مايد ئگا ، اراخ ئسنيات أبريد نس ،
 لان ديكس ئوليون ن-شيگان ن-لنبيا .
 سيدي ربي لائتيري ميدن كول د لشتاب نس داخ ئسنيات ماخ أليگ ئبضا
 د ميدن نا دا ئتيري شيگان ئدخ تيعصا آدم د حواء . ألاخ ئسنيات ألو مايد ئعول
 أتيگ حما أد أغولن ميدن س أبريد نس .
 لشتاب-أد ئمون ديكس : تورات ، زابور ، لشتوب ن-لنبيا ضنين د لينجيل ن-سيدنا عيسى .



تصويرت تس شراض (3)

سيدي ربي دا ئتيني ئ وسكين ئلي اها ييلي داي س ووال نس ئخلق ئگنا د وشال د لبحر
 ئخلق ألتو س ومشيس ئمودار كول : زيکسن ئسلمان د ئجضاض د ئمررادن د لحوش س ماس لان .
 هاتين غاس س ووال نس أس ئخلق سيدي ربي ئسكين أد كول !
 سيدي ربي ئعجباس وينا ئخلق يافتين ئزيل عنوگا .



تصویرت تس ربعا (4)

سیدی ربی ئخلق آریاز آموزگرو زگ أشال آها ئگاس :

«آدم»، دای زگ تغزدست ن- آدم ئخلق تمطوط، آها ئگاس آدم

: «حوا». ار ئتیری سیدی ربی آدم د حوا عنوگا، آها ئوشاسن تنباط خف وینا ئگا کول .

آدم د حوا عزیزن غر ربی عنوگا. آها ئعدلاسن دجنت آد دیکس زدغن دای یادجتن آد تشین زگ

ئسکلان-دجنت کول غاس آسکلو نا ئلان گ آماس نس آد وُر زیکس تتان،

مشان آدم د حوا وُر رین آد گین س رای ی ربی، آها عصونت .

دای ئدخ وُر ئحمیل ربی لمعصیت وُر تقیم تمونت ئنگراتسن آها ئزعیتن زگ دجنت نا سن ئگا.

زگ آس نا بنادم کول مش وُر ئویت تمارا وُر دا ئتتا. هاتین لمعصیت دا تتاوی آنیری د لموت !



تصویرت تس خمسا (5)

آدم د حوا آرون سین ن-ئفراخ / ئشیران آموزگرو «قابیل» د وسین «هابیل» .

دای «قابیل» ئنغات لحر ن-گماس ئدخ ئرضا ربی خف تمغروصت ن-هابیل آها ئراراس

توکی نس یان واس ئنهم قابیل خف گماس گ ئگر ئنغیت . ئعاقبت ربی خف وینا ئگا .

ربی داس ئتیری آدای تیعضو بنادم، ئدخ لمعصیت آیداخ ئبضان د ربی .



تصویرت تس ستا (6)

یارو آدم د حواء شیگان ن- وراو یاضن . زرین شیگان ن- ئسگاسن عمرن وراو ن- نسن دونیت .
 اها تعدو لوخیت نسن د لمعصیات . کوشا ئعصا ربی اها ئفغ ابرید نس . ئتطیارس ئ مولانا
 خف بنادم ، بییری اد ئگ لحد ئ لمعصیات نسن . ئنا ربی دیخ اد سقومخ دونیت س ومان
 حما اد خلوخ میدن کول نا خلقخ ، مشان ئلا یون وړگاز ئتگدن ربی ئسم نس سیدنا نوح .
 ئرضنا غیفس ربی . اها ئنیاس اد ئعدیل ئدج و غربو اکسوات
 حما اد ئفوکا ننا د تمطوط نس د وراونس د توتمین نسن زگ وامان . ئکا سیدنا نوح
 شیگان ن- ئسگاسن دا ئعدیل اغرابو . دای ئکر سیدنا نوح ال ئت نهار میدن زگ لمعصیات نسن
 اها ئعلماسن س وینا س غاتن ئوت ربی ، مشان میدن وړ تیوین گ ووال ن- سیدنا نوح
 قیمین ال غیفس تتصین ئدخ وړ رین ادغولن س- ابرید ن- ربی .




تصویرت تس سبعا (7)

دای ئنا ربی ئ سیدنا نوح اد یاسی اگیدس گ و غرابو مگان لو حوش د لبهیم حما اد ئدیرن .
 ئلین س تمنیا ن- میدن جاج ن- و غرابو بلا لبهیم د لو حوش .
 اها ئقن غیفسن ربی تفلوت ن- و غرابو .
 ضارت ن- سبعا ووسان یوزند ربی یان و مراس اخاتار ربعین ن- واس د ربعین بیض اها طیقسنند
 وامان زگ داوون ن- وشال الیگ غمسن ئ دونیت کول اها خلون وینا لاینین برا ن- و غربو کول .
 وړ ئراح غاس سیدنا نوح د ایت و خام نس ئدخ و منن س ربی ، اها ضاعنت .



تصویرت تس تمنیا (8)

زرین شیگان ئسگاسن ، دای تعدو تروا ن-سیدنا نوح خف و شال سیدنا ابراهیم ئگا یوک زگ تاروا یاد. ئگ یان و رگازنا دا ئتیرین ربی اها ال ت-ئتضاع . ئقاو لاس ربی اد ئسوعدو تاروا نس ال گین ل گنس ا خاتار تارو هاجرئ سیدنا ابراهیم یان و ربا گیناس «اسماعیل» ئگ دیکس ربی لبرکا نتا اید ئگان ئباس ن-وعرابن ، مشان تضا ناس ئقاو ل ربی ئ سیدنا ابراهیم ئدا ات-ئگ د ممیس ن-غاس ترو سارا . مغار و سیرن و منن گ وینا سن ئقاو ل ربی اها ارون اربا گیناس «اسحاق» ناگ غا ئگ ربی لبرکا نتا د تاروا نس ، ئگ اگیدسن تضا ن-وبدا!



تصویرت تس تسعا (9)

یارو سیدنا ابراهیم اسحاق ، یارو اسحاق یعقوب ، تاغول تاروا نسن تگا لگنس ا خاتار ارا سن تینین «تاروا ن-یعقوب» . یون زگ ئریو نسن ئسم نس موسی . اود نتا ال ئتمن س ربی ال ت-ئتضاع . ئغراسد ربی غر نیگ عاری حما اداس ئسیول . ئوشاس ربی تالوحین ن-ؤزرونا خف ئتواری شرع حما ات ئسلمد ئ میدن . ئضرد سیدنا موسی زگ عاری یاوید اگیدس تلوحین ئتواری غیفسن شرع . شرع-اد ن-ربی ئداد ئ میدن کول دا سن ئسنعات ابرید نس .



تصویرت تس عسرا (10)

شرع نا ئوشا ربی ئی سیدنا موسی ئزیل ئی میدان کول، دا سن ئسنعات اد ئرین ربی گین س ووال ن-نس، ورتعبادن غاس نتا، اها ورتعدیلن ئدومام و لا تن عبدن. ئسنعاسن آلو اد ورسار بدرن ئسم ن-ربی باطل، گین یون ن-واس گ و ملاس اد دیکس سگونفان عبدن ربی، د وراو ئخصاصن اد وقرن لولدین نس ضاعن تن! آل ئسنعات شرع آلو ئی میدان: ورتنقان، د اود یوک ورتنگان د اود یوت مش ورتمیوالن، ورتتاشرن، ورتاگران لباطل خف اود یوک، ورتلا ضمعن گ ورتینا ورتنگین ورتینسن.



تصویرت تس حضاعش (11)

گ لوقت ن-سیدنا موسی وونا ئنگان لمعصیت اها ئفغ شرع ن-ربی ئخصیاس اد ئغرض ئی شان ورتنوگوض ئی ربی. حما اداس ئتوغفر. انوگوض دا ئتوغراض گ انسا ن-وتمعصی حما اد ئشتی ورتئفغ شرع، د ربی ورتدا ئتیری لمعصیت! انوگوض-اد ئگا تمئارت خف تمغروصت نا تیوگرن شیگان. نا غا دیازن ربی س ئخف ن-نس حما اد ئغفر دنوب ئی ورتینا تقبلین. ئعول ربی اد یزن سیدنا عیسی لمسیح غر دونیت. نتا آغا ئتوگین د تمغروصت خف نیرت ن-دنوب ن-میدن کول. دای ئسنعت ربی آید ئی بیتس ن-لنبیا ن-غا ئنین اها آرین اوال-اد گ لشتاب نس. ئتوری غیفس: واد آگان انوگوض ن-ربی ن-غا ئغفرن لمعصیات ن-میدن کول!



تصویرت تس طناعش (12)

ثلالیت ن-سیدنا عیسی تگا لعجب . یوزند ربی لمالاک نس غریوت ن-تعریمت ئسم نس «مریم»

نا ئتوترن ئ یون ن-ؤرگاز ئسم نس یوسف . ئناس لمالاک ئ «مریم» :

« تدید أد ترود بلا أتگند د ؤرگاز »!

تسن «مریم» ئس ئغی ربی أد ئگ اینا ئرا . نتا نا ئخلقن ئگنا د وشال ،

غاس س یون ن-ووال ئغی ات یادج اتارو مقار ؤرتگین د ؤرگاز .

دای تامن س ووال ن-ربی . ثلالیت ن-لمسیح زگ روح ن-ربی لمعجزا ای تگا .

گ آل ئتخمام یوسف گ وینا ئجران ئفغد غورس یون ن-لمالاک گ تورگیت ئنایاس :

«أ یوسف أد ؤر تگد اتاولد مریم ، هاتین دا تارو زگ روح ن-ربی ، تدا اتارو اربا تگیماس عیسی

نتا آغا ئف وکان میدن کول» . ئگ یوسف ایناس ئنا لمالاک کول .



تصویرت تس تلطاعش (13)


دای گ وسان نا ، ئسکر و گلید أبراح ئنا ئ میدن أد آغولن غر تمیزار ن-نسن

حما أد تو حسبن آها خلصن ضریبا نا غیفسن ئلان .

ئدو یوسف د مریم د نتات تلا س و دیس غر تمدینت نسن «بیت لحم» دای گ ئوضن

ؤر و فین مانی گ غا نسنین : ئدخ تعمر تمدینت س میدن ناد دانین زگ مگان أنسا .

غر تنگرا عينن يان ن-لكوري، اها تارو ديكس «مریم» «عیسی» داي گ بیض نا ئفغد یون ن-لمالاک غر بیټس ن-ئمکساون نانسائین آر وُحطون وُللي نسن گ ئگران . ئنایاسن : « ئضاد ئلولد یون ن-وُربا ئستیت ربي اد ئفوکا میدان کول » . شوي ئضهر د یون وُربیع ن-لمالایکا گ ئگنا ال سللولوین ، ال تسباحن ربي . داي ازلین ئمکساون س وُفراح د وُرعاب غر انسا نا سن ئنا لملالاک حما اد اناین تسلیمیا نا ئلولان . اها قیسن اینا می سلان د وینا اناین ی میدان گ مگان انسا .




تصویرت تس ربعتاعش (14)

لشتاب ن-سیدی ربي ئقیساخ شا ئدروسن خف تمزي ن-سیدنا عیسی ئنایاخ : لیگ ئسلا وُکلید ئس ئلولو یون وُربا نا غا ئگین أمقران ، ئگود خف تنباط نس اها آر یورزو اُتینغ . یازند سیدی ربي لملالاک غر یوسف اداس ئعلم اد ئرول نتا د تمطوط نس د «سیدنا عیسی» ئلا ئگا تسلیمیا غر مصر . فیرن وینا اغولند غر تمدینت ن-ناصر . اُلاخ ئتني اللو لشتاب ن-سیدی ربي : لیگ تلا غر سیدنا عیسی ئناعش وُسگاس ، ئمون د لولدين نس غر لقدس اد عیدن ام لقاعیده . لیگ اغولن ئبردان نسن ئقیمان نتا گ لقدس وُرت-زرین غالن ئس ئمون د وُشابار . نتا وتن دیکس انفا وُر توفین ، اغولند غر لقدس حما ات رزون . افینشین گ تدارت ن-سیدی ربي ئقما گ اماس ن-ئسلمدن ن-دین دا ئسغاد غورسن ءارتن ئتسقسا . داي رعبن کول وینا سلانین ی توسنا نس د تانزي نس . آر ئتمغور سیدنا عیسی گ لقد د تنزي ، ئرضوغیفس سیدی ربي د میدان گ غورس تلا تلاتین وُسگاس ئسفال ال ئساوال ی میدان خف سیدی ربي . امن ئس شیگان ن-میدن ئمغوراس وادور .



تصویرت تس (15)


ئوشا سیدی ربی ئی سیدنا عیسی لمسیح لجهد اد نگ لمعجزات : ئرورا ئزری ئی ئضرغال ،
 ئجوجی ئموضین د ئفوشال ، ئسوفغ ادجنون زگ وونا گ لان ، ئسکر ئمتین اها ئدو خف ومان امی
 دا ئتدو خف وشال ، ئسوتش وگار ن-خمسا لاف ن-میدن غاس خمسا ن-توغرفین
 د سین ن-ئسلمان . سیدنا عیسی ئگا شیگان ن-لعجایب حما اد ئسنعت ئی میدن ئس تید
 دیوزن سیدی ربی اها ئوشاس تنباط ن-ماید ئگان شا . میدن سنن ئس وړ ئلی مگان ام نتا !



تصویرت تس سطاغش (16)


ئگا سیدنا عیسی شیگان ن-لعجایب ، دای امن ئس شیگان ن-میدن ،
 آل ت تتفرن داک مانی غر ئدا . سیدنا عیسی ئگا احنین .
 ئجوجی ئموضین ، ئسنعت ئی میدن ابرید ن-سیدی ربی . سیدنا عیسی وړ دجین ئعصی
 آل ئتگ غاس اینا ئرا سیدی ربی . ئداد حما اداخ ئسنعت تیری ن-سیدی ربی ئراخ
 س ابرید نس مشان لا ن-ییتس ئخاتارن ن-دین ن-ووداین ئنغانت لحر ن-سیدنا عیسی
 غالن ئد غاس نیتنی اگ صلحن وغا تیرین اد قران ئس گان اود نیتنی ئمعصان .
 اها تقور اسن تاسا وړ رین اد امن ئد سیدی ربی اید یوزن سیدنا عیسی .
 دای مساسان غیفس . گرین غیفس لباطل اها صی وضنت غر لمخزن .

كرن ئعسكرين كسناس ئعبان ، ئرزنت ، گناس يان تاج زگ وُزگار خف وُقشاش ،
 آل غيفس تطصين ، آل غيفس سوفسن .
 ئدعن سيدنا عيسى ئ وينا س ئجران كول ! ئدخ ئسن ئس ديدا
 أدنگ تمغروصت خف نيرت ن-دنوب ن-ميدن كول .
 سيدنا عيسى ئموت گ أنسا ن-ميدن كول .




تصويرت تس سبعتاعش (17)

أوين ئعسكرين سيدنا عيسى غر أنسا ن- وُطورق دز يناس ئمسمير خف ئحنين ن- وُطورق .
 ئقيم ئتوگل ديس أليگ ئموت . گ لوقت نا ، أمشيس أسار نقان ئقطاطعين ئخاتارن .
 ئتوطورق سيدنا عيسى د سين ن- ئقطاطعين ، مشان نتا وُرئگي شا خف ئواتا لموت !
 ئتوطورق خف نيرت ن- لمعصيات ن- ميدن ! وُريد غاس گ لوقت نا مشان داك متا لوقت .
 كول وينا ييس يومن ئس ئگا تمغروصت گ أنسا نسن داسن توغفرن لمعصيات نسن .
 سيدنا عيسى أگان أنوگوض وار لعيب . ئوشا أتيج ن- لمعصيات ن- ميدن كول س ئدامن نس .
 خف وُياد ئنا سيدي ربّي هاتين وُر تقيمي لا تنفاع تغر صا ن- لمال
 ئدخ سيدنا عيسى أگان ئتمغروصت ترسليت .



تصویرت تس تمنطاعش (18)

إنضلیبن ن-سیدنا عیسی غالن ئس تنغان اها هنان زیكس . لیگ ئموت سیدنا عیسی ئنضلت یون
 ؤمستفر نس ئدجیون گ تنضلت نا ئسغا ئ ئخف نس . اها قنن ئمی ن-تنضلت س یان ؤزرو اُخاتار .
 گ واس ویس شراض دانت بیئتس ن-توتمین تیفاوت زیك حما اداس اُمسنت لحنوض ئ لگنازت
 ام ؤینا تگا لقاعدا ن-ووداین . دای رعبت عنوگا گ ؤفان ازرو ئتوسکروری د سیدنا عیسی
 ؤر ئقیمي جاج ن-تنضلت . اها رعبت ؤگار لیگ غورسن دفغن سین ن-ئد لمالیکا نانس :
 ماخ اُلیگ دا تورزومت وونا ئدر ئنگر ئمتین هاتین ؤر ئلی دا ئدا ئکر زگ لموت !



تصویرت تس تسعطاعش (19)

فیرن ماید ئکر سیدنا عیسی زگ لموت ئفغد غر بیئتس زگ ئمحضرن نس ئسیول اُسن ،
 اها ئتش اُگدسن ، یون زگ ئمحضرن ن-نس ئسم نس «توما» لیگ ئسلا ئ ویاذ ؤر یومن
 ئد ستیت ئکر سیدنا عیسی زگ لموت اها ئنایسن : « ؤردا تمنخ مش ؤر انا یخ
 ئخبا ن-ئمس میر گ اُفسن ن-نس اها گُخ اُضاض ئنو دیکسن ! » .
 سیدنا عیسی ئفغد اُلوغر ئمحضرن نس بیلی اُکیدسن «توما» لیگ ینای توما ئخبا گ ئفاسن
 د ئضارن ن-سیدنا عیسی یومن . اها ئنایس سیدنا عیسی : « شگین تومنند ئدخ ئ تناید ،
 اُعیریت ن-وینا یومنن اها ؤری یناین » .



تصویرت تس عشرین (20)

ربعین ن- واس آید- ارد ئتفغ سیدنا عیسیٰ غر میدان فیر تنکرا نس زگ لموت .

أناینت شیگان ، أها ئسینن ئس ئدر .

تیوضاس لوقت حما أد یغول س- ئگنا . ئشمل لخدمت نا خف دیدا .

ئوصا ویس ئشتفان أد دون أد قیسن ئ میدان گ مگان انسا اینا ئگا کول . دای ئلین کول نسن

أل دیکس تراغان أر ئتالی س ئگنا ، تاسیت یوت ن- تسگنیوت تستلا سنت .

شوی ، فغند غورسن سین ن- لمالایکا نانس : « سیدنا عیسیٰ نا یولین س- ئگنا داتاویت

ئقنتن یان واس أد یغول ئمشینا یولی . ئلان دغی گ ئگنا أد ئسوجید انسا ئ میدان نا- ییس

یومن أها تفارنت . هاتین سیدنا عیسیٰ آید ئگان أبرید نا ئتاوین غر ربی »



تصویرت تس واحد وُ عشرین (21)

ماخ ألیگ ئتوطورق سیدنا عیسیٰ ؟

ئتوطورق حما أداخ ئفوکا زگ جهنام نا نواتا خف لمعصیات نخ . سیدنا عیسیٰ

ؤر دجین ئگی شان لمعصیت . ئموت حما أد یاسی لمعصیت ناخ ئبضان د ربی .

ئحنیگن ن- وُ طورق لآخ سشتاین ئس ئگا سیدنا عیسیٰ انوگوض ن- ربی

وار لعيب ، ئموت خف نيرت نخ . آدای نامن س سیدنا عیسی
 أها نغول سا برید ن-رَبِّي : نحدی لمعصیت ، رَبِّي لاخ ئتغفار .
 سیدنا عیسی لاخ ئتگا د آراو ن-رَبِّي تیلی تامونت ئنگراخ آگیدس .



تصویرت تس تناین وُ عشرين (22)

لیگ ئسول سیدنا عیسی خف وشال ئقیس شیگان ن-لقیسات

حما آد ئسنعت ئ میدن آبرید ن-رَبِّي .

ئسلمداخ سیدنا عیسی ئس لان سین ن-إبردان :

میدن کول دا تدون گ وُبرید أموساع ن-لمعصیت نا دا ئتاوین غر جهنام

ئدخ کول نخ نکوساد لمعصیت زگ ئباتنخ آدام آل نتگا اینا وُردا ئتیری رَبِّي .

مشان سیدنا عیسی داخ ئتینی ئخصایاخ أنفغ زگ وُبرید-اد أموساع ندو گ وُبرید أنقمور

نا دا ئتاوین غر دجنت . مشان وُردا دیکس ئتدوغاس وونا ئتوین زگ لمعصیات نس ،

یامن ئس ئتوطورق سیدنا عیسی خف دنوب نس .

ئمسغدنخ ئعزین ! سیولاتاس ئ رَبِّي زگ وُولاون-نون تنیماس :

«أ سیدی رَبِّي ! شگ تمقورد أها تصفید . دات قراخ داتاش ئس گیخ ئمعصی

أر تامنخ ئس ئموت سیدنا عیسی خف ئحنیگن ن-ؤطورق حما اد ئدیرخ نک .

دا زیك تترخ آد تسزدیگد وُول ئنو ، تگدیي دیوك زگ آراو نش ،


نکین ریخ آد تفارخ آبرید ن-سیدنا عیسی ، عیشخ آگیدش گ دجنت آدای متخ ،

تانمیرت أ رَبِّي آمین» .



تصویرت تس تلاتا وُ عشرین (23)

سیدنا عیسیٰ دا ترحاب ی میدن کول داك ماتا تقبیلت زگ گان نغد لگنس، نغد ئلس .
 أدای ئس امنن دا تاغولن کول نسن گان آراو ن-رَبِّي مقار وُر ئگي واول نسن وُلا لقعیدا نسن کیف
 کیف، کول نسن گان یان وُخام : أخام ن-رَبِّي، کول نسن ئسمونتن سیدنا عیسیٰ،
 أها ئلین گ وُبرید أنقمور نائتاوین غر دجنت .




تصویرت تس ربعاً وُ عشرین (24)

یون بیض ئداد یون وُسلماد ن-شرع ئسم نس «نیقودیموس»، غر سیدنا عیسیٰ ئرا اُکیدس ئمساوال .
 ئنایاس سیدنا عیسیٰ شا ئسکین ئسرعابن . ئنایاس : «هاتین وونا ئران اُدیگ زگ وُخام ن-رَبِّي
 إحصایاس اُد ئلال لمرت ضنین، کو یوک دا تتارون لولدین نس مشان ادای نکشم
 أخام ن-رَبِّي أمي-د نلولا لمرت تیسنات .
 تلالیت تمزواروت زگ صاحت ئد تیسنات زگ روح،
 نوکنی وُر ن-تیغی اُنبدل ئخفاو ن-نخ، مشان روح ن-رَبِّي
 داخ یکا تودرت توجدیث ادای نامن س سیدنا عیسیٰ نتفارت .
 نغول نگ میدن وُجدیدن ن-رَبِّي .




تصویرت تس خمسا وُ عشرين (25)

ذاث ن-ماگ یولي سیدنا عیسی س ئگنا ، ئقاو لاسن ی ئمحضر ن نس ادا سندن یازن روح ن-رَبِّي .
ضارت ن-ماگ یولي س عشر (10) ن-ووسان ، بیوض یان لعید ن-وارا و ن-یعقوب ،
ناد دانین زگ مگان تمازیرت غر لقدس حما اَد عیدن ،
ثلین دیس اود ئمحضر ن-سیدنا عیسی مونن کول نسن گ یان وانسا . شوي ئرسد روح ن-رَبِّي
غیفسن اُم وینا سن ئقاو ل سیدنا عیسی . اها تو عمرن کول نسن س روح ن-رَبِّي .
دای قیمن اَل ساوالن س واول وُر ئگین وین نسن . اها رعبن اُرا و ن-یعقوب نا دیدان غر لقدس
ئدخ کو یوک دیکسن دا ئتسلا ی ئمحضر ن-سیدنا عیسی دا ساوالن س ووال نس
خف لعجایب نا ئگا رَبِّي . روح ن-رَبِّي ئغی ی مگان اُسکین بیلی گ وینا تامنین ستیت
س سیدنا عیسی اُرتن ئسعاون اَد ضاعن اُوال نس .



تصویرت تس ستا وُ عشرين (26)

وونا وُر یومن س سیدنا عیسی ، ئگا اُم شان یون ئتدون گ تللست .
اها توتیت تفشیت یاتوی گ لمعصیت ، ئدخ وُر غورس اُسید ناس ئتانا ی .
ئد وونا یومن س سیدنا عیسی ئگا اُم یون ئتدون گ اَلماس ن-واس گ وُ برید ئطعنان .
سیدنا عیسی ئنا : « نکین اُگان اُسید ن-دونیت وونا ی فارن وُ سار ئدی گ تللست » .
سیدی رَبِّي دا یاکا روح نس ی وینا بیس یومن حما ادا سن ئسنت اُبرید نس .




تصویرت تس سبعا وُ عشرین (27)

وونا یومن س سیدنا عیسیٰ نگا یان ن-بنادم وُ جدید، نا ئران اد نضاع اوال ن-سیدی ربی
 آل-ت نتماد نُدخ أس نغفر لمعصیات نس. وونا یومن س سیدنا عیسیٰ نخصایاس
 وُ رتیری اینا وُ ر نحلین، أم لقحوب، تو کرظا، تحرگا نغد نحلل.
 روح ن-ربی دا نسعاوان ی ئمومن حما اد حیدن ی وونا نخان ار تگان اینا نزیلن.



تصویرت تس تمنیا وُ عشرین (28)

أدای دا نتمار شان وُ خام أبرید ن-ربی. ارگاز اد نتیری تمطوط نس،
 د تمطوط اد توقار ارگاز نس: تاد اگان لوصیث ن-سیدی ربی.
 أها آل تمعاون ننگراتسن ار سلماذن ی واراو نسن اد نربن سیدی ربی ضاعنت.
 أحام نا دا نتمامن س سیدنا عیسیٰ دا نزلان آل تگین اینا نرا مولانا.



تصویرت تس تسعا وُ عشرین (29)

سیدنا عیسیٰ تسلمدی ئمحصرن نس اد ثرین میدان کول اود ئنضلیبن نسن ، کول نخ ئخصایاخ آنعاون وون-می ئخصا شا مقار ئگا زگ شان لگنس نغد دین ضنینی . ئقیس یوت ن-لقیست ، ئنایاسن : «ئلا یون ن-ؤرگاز ئدا غریوت ن-تمدینت ضنینی ، عرضناس ئخوان گ وُبرید ئرزینت اها کشظنت ، دون زرینت ئنگر لموت د تودرت . دای ئزری زگ وُبرید نا یان ن-ؤرگاز ئگان زگ ئنضلیبن ن-وونا ئتورستن اها ئسنگیت گ تاسا ئگاس أسفاری یترساون ئصیوط ی و نسا ناگ غا ئقیم ارد ئجی اها وُراس ئتیر ائیگ خف وُیناس ئگا» . سیدنا عیسیٰ داخ ئتینی ئخصایاخ انگ لخیر ام وُینا ئگا وُرگاز اد .



تصویرت تس تلاتین (30)

بیئتس ن-میدن دات ن-ماید وومن س سیدنا عیسیٰ کان ار تگین ئسکین ن-شیطان ، ال تامن گ ئمکاشفن د تحرگا . مشان وونا یومن س سیدنا عیسیٰ وُراس ئخصا اد ئدو گ وُبرید ن-شیطان یامن س ودجنون . نکنی ئمومن ئخصایاخ انبضو د ئسکین گانین وین شیاطن د ودجنون اها وُرنتگد زیکسن ، ئدخ ربی یوگرتن کول ، نتا امی غا نتر اداخ ئحصو .



تصویرت تس واحد وُتلاتین (31)

ثلا یون ن- وُرگاز دیکس ودجنون، ارئگان گ ئصندال د لعواری اود ئکوراف
 وُردا تتامژن ئدخ وُوعرن ودجنون نا دیکس ئلان، اها ال ئکات ئخف نس س ئزرا.
 لیگ یانای سیدنا عیسی لمسیح ارگاز اد ئناسن ی ودجنون نا اد زیکس فغن. اها فغن زیکس گ
 انس. ئفو کا وُریاز زگ ودجنون اها ئدو ار ئتقیس ی میدن ایناس ئگا سیدنا عیسی.
 سیدنا عیسی تلا غورس تنباط تخاتارت خف ودجنون اها ئفو کا شیگان ن- میدن زیکسن.
 وونا دا تهوالن دیگون ودجنون، ئتر زگ ئمومن ضنین اد ژالین زگ تنیلا نس.
 ئتراس ی سیدنا عیسی ات ئفو کا زیکسن.
 مش دا ئتیری سیدنا عیسی ار نتضاع دا غورنخ ئتیلی روح ن- ربی نا داخ یوحطون.



تصویرت تس ثنائین وُتلاتین (32)

شیطان وُرنگی لهم نس غاس اد ئغوو اراو ن- ربی حما وُر تتفان سیدنا عیسی.
 شیطان دا ئتیری انتو سیدی ربی اها ئسوفغاخ ی- وبریذ نس اراخ ئتغوو س لفلوس، ئعبان، شراب،
 لگرو، د شیگان ئس کین ضنین. شیطان ئرا اد غورنخ ئفن ئسکین نا سیدی ربی، اها نغال ئد
 نیهني ایداخ ئسفرحن. هاتین شیطان ئگا بویحلال دا ئتیری اداخ ئسوفغ ی- وبریذ ن- سیدی ربی.
 مشان روح ن- ربی لآخ إسعاوان انرو شیطان، ادای نامن س سیدنا عیسی لمسیح نتفارت.




تصویرت تس تالاتا و تلاتین (33)

سیدنا عیسیٰ لقیس لقیست-اد : « تلاتا یون ن- و عریم یومز اینا تید یوسان زگ تکاسوت ن- ئباس مغار ئسول ئدر. ئفغ زگ تدارت .
 ئدو ئزلع ایناس ئوشا ئباس کول گ لمعیشت و ر ئحلین ئگ شیگان ن- لمعیسات .
 دای ئکر بو هیوف گ تمازیرت نا غر ئدا ، یغول ئگا أم و متراو و ر یوفی اود ماید ئتشا .
 دای تگراژت خف لمعیسات نا ئگا . یغول غر ئباس
 اد زیکس نتر اداس ئسامح . اها ئدخ دات ئتیری ئباس عنوگا ئسامحاس نرحباس .
 لقیست-اد داخ تسنعات ادای نگ شان لمعیست ئخصیاخ انتوب زگ و لاون ن- نخ .
 دای ئدخ داخ ئتیری سیدی ربی د سیدنا عیسیٰ ئموت خف نیرت نخ
 داخ ئتغفار سیدی ربی نرحباخ اد ناغول غورس .



تصویرت تس ربعا و تلاتین (34)

مایدا تگان اران ن- سیدی ربی ادای تن یاغ شا ؟ ئخصاصن اد ژالین ی سیدی ربی
 حما اتن ئجوجی س ئسم ن- سیدنا عیسیٰ لمسیح . اها امن ئس ئغی سیدی ربی اتن ئجوجی مش ئرا .
 و ر تعوالن خف تحرگا د تمشاشفن مشان ادعوالن خف سیدی ربی نا ئغین اد ئجوجی اموضین نغد
 تید ئسعاون اد یاف أسفار نات ئجوجین . هاتین سیدی ربی داخ ئتیری ییسین اینا داخ
 ئتاغن کول اراخ یوحطو زگ شیطان اینا خف می وراخ ئخصا اد زیکس نتگد .
 سیدنا عیسیٰ ئلا اگیدنخ حما اداخ ئوش لمان گ لوقات ن- و ژیر .



تصویرت تس خمساً و ثلاثین (35)

کول نخ نسن ئس ن دا أنمٹ یان و أس . مشان مغاخ ئجرون فیر ن-لموت ؟
 لشاب ن-سیدی ربی لآخ ئتني : « آدای ئمٹ یان و مومن ، ئدا روح نس آدئزدغ
 د سیدنا عیسی گ دجنت ، ئخصا ئ مدو کال نس د لهل نس و ر تغیمان گ مشردول . أها و رآخ
 ئخصا أنگد زگ لموت ئدخ نکني نسن ئس لآخ ئتيري سیدی ربی أها ئف و کاخ زگ لمعصیات نخ ،
 ئدخ نومن س سیدنا عیسی لمسیح نا ئموتن خف نیرت نخ ، ئد وینا و ر و مین س سیدنا عیسی و ر
 تدي أتيلي غورسن تودرت ن-وبدا فیر ن-لموت دان آد دون غر جهنم ئدخ و ر رین أبرید ن-ربی .»



تصویرت تس ستا و ثلاثین (36)

گ صاحت ن-بنادم لان ئضار ، ئفاسن ، ئمجان ، آدیس / أعدیس . د شان لحاشت یاضن .
 دای کو لحاشت گ صاحت دا تگا یوت ن-لخدمت . أللن دا ئسن نترعا ، ئمجان لا ئس ن-سغاد ،
 أقمو دا ئس ن-ساوال آل ئس نتتا . داخدمن کول ئنگراتسن ، مک یوغ شا یون زیکسن ،
 صاحت کول دا ت ئتاغ شا . سیدی ربی داخ ئتيني : ئمومن کول نسن دا تگین
 أم ئشت / یوت ن-صاحت نامي دا تینین « لکنیسا » . « لکنیسا » کول میدن نا دا تامنین
 س سیدنا عیسی لمسیح آل تتفاران . سیدنا عیسی لمسیح اگان ئخف ن-لکنیسا .
 سیدی ربی دا یکا ئ کو أمومن لخدمت نا غا ئگ أم و سلمد ن-لش تاب ن-سیدی ربی

نغد تمديازین نا ئسمغوران س ربي نغد أسنوي نغد تفلاحت نغد شان لخدمت ضنيني .
 کو یوک ئخصاص أد ئگ لخدمت نس حما أتمغور«لکنیسا» .
 سیدنا عیسی لمسیح ئوصاخ أ نمییری أها نمعاون ئنگراتنخ حما ورتوحیل لکنیسا .



تصویرت تس سبعا وُتلاتین (37)

کول ئمومن س سیدنا عیسی لمسیح ئخصاصن أد تم گرون ئنگراتسن حما أدعبدن سیدی ربي .
 أدای مومن دا تفران لشتاب ن-ربي ، أر تژالان ، أر تینین تمدیازین نا دا ئتمجادن ربي .
 أها ئخصاصن ألو أد وشین اینا می غین ی ربي .
 سیدی ربي لای ئتوصا ورتتو لموت ن-سیدنا عیسی لمسیح ،
 أها نشار ئنگراتنخ أغروم د ومان ن-وضیل .
 اغروم داخ ئسکتویا صاحت نس نا ئتواین خف نیرت نخ ، ئد أمان ن-وضیل داخ سکتویان
 ئدمن نس نا ئنغلین خف ئحناین ن-ؤطورق حما أداخ ئسزدیگ زگ لمعصیات .
 ئمشید أس غا نشتی لموت نس ال د یاغول .



تصویرت تس تمنیا وُتلاتین (38)

ئقانن سیدنا عیسیٰ آد یغول خف لمهویت زگ ئگنا أم وینا ئقاوول یاد . ئدا آد ئدو حما آد ئسمون وینا ییس یومن کول لا وینا موتنین وُلا وینا سول درنین آها یاویتن س ئگنا قیمین آگیدس أبدا . ئد وینا وُر ئس وُمنین ئدا آتن ئزری خف وِشال د ربی ئدا آتن ئحاسب . نکنی وُرنسین ملمي آغا دیغول مشان ئخصاخ آنوجید ، آها نعایت .



تصویرت تس تسعا وُتلاتین (39)

أم وُسکلو نا یکان لغلت ئزیلن آید ئگا روح ن-ربی دا یکا لغلت ئزیل گ تودرت ن-وونا یومن س سیدنا عیسیٰ . سیدنا عیسیٰ ئنا : «هاتین نکین آگان دیلیت ترسلیت د کوننی آگان ئشضحان نس . مک ذیگی تومزم آها آمزخ ذیگون تدام آتاروم شیگان ن-لغلت» .
روح ن-سیدی ربی نا دیگنخ ئلان داخ ئسعاوان آنیری میدن کول آها نزیل آگیدسن ، آراخ ئسعاوان آنفرح ییلی غورنخ لهنا د صبر ، ییلی دیگنخ لامین ، آر نتباض گ ئخفاون نخ وُرننگا آینا ئخان ، وُر دیگنخ تیلی تینومغرت .
ئشطحان نا وُغا یکان لغلت دا تویباین آها توس غوسن . ئمستفار ن-سیدنا عیسیٰ ئخصاسن آد گین لغلت نا ئزیل س وُیاد دا سمغوران س ربی .



تصویرت تس ربعین (40)

سیدنا عیسیٰ لمسیح ثنا یی محضرن نس اد دون غر میدان کول
اداسن صیوضن نغمیسن زیلنن غیفس، حما اداسن توغفرن لمعصیات نسن .
شیگان ن- میدان ور سین ماید ئگان لیمان س سیدنا عیسیٰ لمسیح؟
أمسیحی ئگات وونا دا ئتامن س سیدنا عیسیٰ یامن ئس ئتوطورق،
ئمت اها ئکر زگ لموت گ واس ویس شراض ار ئتگ س ووال نس
یامن ئس ئموت خف نیرت ن- لمعصیات نس حما ات ئفوکا زگ جهنام .
روح ن- سیدی ربی داخ ئسعاوان اراخ یکا تنزی د لجهد حما انتفار سیدنا عیسیٰ لمسیح .

GOOD NEWS

TAMAZIGHT - MOYEN ATLAS

TIDDOUKLA

**C.P. 442
1215 GENÈVE 15
SUISSE**

tiddoukla@wanadoo.fr